

Pop. 16 canyo

Pop. 26 Robovomig

LA PATRIE DAL FRIÛL


par un Friûl plui furlan

ATUALITÂT Sedian, caput mundi **IN CUVIERTINE** Di Bessôi:
Afârs Internazionâi **RICUART** Mandi Arnalt Baracêt **MUSEUS** I
tesaurs de Plêf di Guart

N. 08 AVOST 2012

(1077 - 2012) 935 AGNS DE PATRIE

www.lapatriedalfriul.org



COPIE DI CORTESIE
cul sostegn de




CASSA DI RISPARMIO
DEL FRIULI VENEZIA GIULIA

Visc, tragicomedie di un scandul

Intant che i presidents talian e sloven si cjatin, in Friûl a àn voie di fâ dismenteâ l'unic cjamp fassist inmò intat

REDAZION



Tancj auguris a Boris Pahor che ai 26 di Avost al fasarà 99 agns. Il scritôr triestin di nazionalitât slovene al è intervignût a pro de istituzion di un Memoriâl a Visc (foto gjavade fûr di <http://affinitalibertarie.noblogs.org>)

Fevelant tal mêis di Mai, sul palc dal ricuart di Nordhausen in Sassonie, Boris Pahor, internât tal cjamp nazist di Dora, che al ufrît materiâl uman pes V1 e V2, al disè «O sperî... che cheste iniziative e podedi jessi un incentîf pe istituzion di un memoriâl a

Visc, in Friûl, dulà che a forin sieradis 4000 personis puartadis des Slovenie, Cravuzie, Serbie, Montneri...».

Pahor al à ricuardât che la Sorintindince e à vincolât buine part dal Lager e si è augurât che «Oltri che chest proviodiment just (il

vincul, ndr), il cjamp di Visc al podarès diventâ un Centri di memorie, dulà meti adun la documentazion dai plui impuartants cjamps fassiscj par meti in vore un projet a nivel internazionâl».

Il President Napolitano al è stât in Slovenie; il President Türk, intune interviste a Triest al à fevelât de necessitât di memorie: il coordinatôr de associazion di Visc "Tieri di Confin", Ferruccio Tassin comentant l'intervent di Pahor al declare «I doi Presidents che a vignedin a Visc e a viodaran l'unic cjamp fassist inmò intat in Italie, vincolât de Sorintindince, tignût in maniere incivîl, te sperance che al scomparissi e che al vegni gjavât il vincul. Che a vignedin a Visc, puest di confin par 5 secui, cun vocazion al incuintri e che cumò al è scandul internazionâl!» ■